

Monnota ngeni Met Epwe Siiwin non OHP an a Wesino Ewe COVID-19 Imerechensi



Nounoun ewe Oregon Health Plan (OHP) fansoun ewe COVID-19 imerechensi

Fansoun ewe COVID-19 imerechensi, en mei tongeni sopweno ne nounou noumw Oregon Health Plan (OHP) pwe mei wor met mei siiwin ren nounoun, ika mwo kse chiwen tufchin nounou ren porousen nonnomwumw, aweve ren ika e watte omw mwoni tonong.

[Tiki ikei omw kopwe aneani porousen nounoun OHP fansoun ewe COVID-19 imerechensi.](#)

Wesin ewe COVID-19 imerechensi, ekewe ourour epwe pwan siiwin

Ekisino non ei ier, ekkei siiwin ren ourour epwe pwan wesino. Ika a fis ena, ewe Oregon Health Authority (OHA) epwene popwuta ne nengeni ika ion e tufichin nounou noun OHP pwe repwe tumwuneochu ika chon fiti ir mei chiwen tufichin nounou ar OHP. Ei angangen katon nonnomwun aramas epwe efisi fansoun an pwarano pwe ekkoch chon nounou OHP rese chiwen tufichin nounou.

Am mei mochen omw kopwe monnota ngeni ena fansoun ren tumwunumw me omw famini, ika ou nounou OHP ika angei pwan ew sokkun insurance.

Met upwe fori iei ai upwe monnota?

Fiti ngeni ekkei angang:

1. **Cheki ika mei pwung masowen ach sipwe toruk me ia** – Mwitir ne esinesin ngeni kich ika pwe omw adress, email, nampan tangwa, ika omw mwoni tonong a siiwin.

En mei tongeni esinesin met e siiwin ngeni OHP:

- **Won line:** Tonong non omw ewe ONE akaun omw [no ngeni ONE.Oregon.gov](https://www.oregon.gov/ONE).
- **Non founoun aramas:** Aramas mei tongeni no ngeni Aging me Aramas mei wor Terir, Area Agency won Aging ika Ofesin

Prokrammin Tumwunun Nonnomwumw, non unusen Oregon ren aninnis. [Tiki ikei omw kopwe kuna menni ofes mei kanengonuk.](#)

- **Won Tengwa:** 1-800-699-9075 (TTY 711) Sarinfan-Enimwu 7 nesossor ngeni 6 nekkunion (PST). Non ekkei fansoun, e mwittir chon ponu ika ke kokko seni kunok 7 ngeni 8 nesossor.
- [Tiki ikei omw kopwe aneani ika pwan ifan ussun omw kopwe esinesin pwe mei wor siiwin.](#)

2. **Cheki omw pworun posto** – Enennen ne cheki omw pwor fengen me tiiti ngeni kem eponuwan met porous am mei eisinuk.

Mei tour ngonuk taropwen porousen noumw OHP?

Ina epwe tour ngonuk me non posto noumw taropwen OHP. Ina aupwe atoura ngonuk iteiten ier echo taropwe omw kopwe renew omw OHP. Kose mochen eponuwa ena taropwe ika pwe am mei eis ren sopwosopwun porous, aweve ren pisekin pwarata ren porousen omw mwoni tonong.

Ena taropwe epwe affata met kopwe tiitiito me non menni fansoun epwe tour ngeni kem. Ika a tour ngonuk noumw taropwe, kose mochen fori met tingor mei mmak non.

En mei menei aninnis ren eponuwan noumw taropwe?

- **Non foun aramas:** Mei wor aninnis seni chon sinei ekkei angang non ach community. No ngeni OregonHealthCare.gov omw kopwe kuna chiechiach non omw community repwe anisuk.
- No ngeni ew an ODHS Aging me Aramas mei wor Terir ika Ofesin Prokrammin Tumwunun Nonnomwumw, ika ew ofesin Area Agency won Aging (AAA). Kokko me mwen omw kopwe chuuno rer. [Tiki ikei omw kopwe kuna menni ofes mei kanengonuk.](#)
- **Won Tengwa:** 1-800-699-9075 (TTY 711) Sarinfan-Enimwu 7 nesossor ngeni 6 nekkunion (PST). Non ekkei fansoun, e mwittir chon ponu ika ke kokko seni kunok 7 ngeni 8 nesossor.

Kapas Eis me Eponuwan

Pota chon fiti OHP mei tongeni nounou nour OHP fansoun mei wor COVID-19 imerechensi?

Me non Unites States, chon emweni ei fonu re affata pwe mei wor ew COVID-19 imerechensi pwe ren cheunon ewe semwenin COVID-19.

Fansoun an federal COVID-19 imerechensi, ewe federal kafomon mei mwuutata an Oregon epwe fori siwinin ar ourour pwe epwe sopweno aninnis ngeni chon nounou OHP ika mwo rese chiwen tufichin nounou.

U rong pwe an Oregon Public Health Imerechensi epwe wesino non Eprein 1, 2022. Wewen pwe epwe wor siiwin ren meinisin chon fiti OHP ren nour insurance?

Apw, esapw ina wewen. Epwe wesino an Oregon COVID-19 imerechensi non Eprein 1, 2022 nge ese siwini masowen ewe OHP ren insurance.

Met epwe fis ngeni chon fiti OHP fansoun ra cheki ika ir mei chiwen tufichin nounou?

Ika ewe federal kafomon a awesi ewe COVID-19 federal imerechensi, ekkewe ourour e fisita an epwe sopwosopw tufich ngeni chon nounou OHP epwe expire. Meinisin chon nounou OHP non ei state epwe chek ika i mei tufichin nounou. Ika a tori fansoun omw kopwe renewni noumw OHP, ina aupwe atoura ngonuk noumw taropwe.

- Chon nounou, ina epwe tour ngenir nour taropwe nge esapw chok non ew fansoun.
- Meni ina aupwe tingoreok omw kopwe tiiti ngeni kem noumw pisekin pwarata pwe porousomw mei chiwen pwung, awewe ren ukuukun omw mwoni tonong.

Ion ese chiwen tufichin noun OHP, epwe wesino noun OHP.

Inet epwe powuta ar angangen chek?

Sise sinei affaten menni fansoun epwe popwuta ar angangen chek. Epwe popwuta fasoun an ewe federal kafomon awesi ewe COVID-19 federal imerechensi.

Ew me ew COVID-19 federal imerechensi e kan ukuukun 90 ran, ika 3 maram taman. Ewe federal kafomon mei tongeni attamano ewe COVID-19 imerechensi, wewen pwe epwe pwan pacheta 90 ran mwirin. Ika ewe federal kafomon ese attamano ewe COVID-19 imerechensi, iwe a wesino.

Ewe federal kafomon epwe esinesin ngeni Oregon non mwaren 60 ran, ika 2 maram me mwen an epwe wesino ewe federal COVID-19 imerechensi.

Met upwe fori ika use chiwen tufichin nounou OHP?

Ika kese chiwen tufichin nounou aninnisin OHP, en mei tongeni kkut noumw insurance nge epwe wor chon anisuk ren meon me non ewe Oregon Health Insurance Marketplace. No ngeni OregonHealthCare.gov/WindowShop omw kopwe katon ika met sokkun insurance mei each ngonuk me niwinin mei kawor ngonuk.

En mei tongeni angei ei taropwe non fosun fonuwomw, echo mei mesemmong makkan, makken braille ika met napanap ke mochen. En mei pwan tongeni tingor chon chiaku ngonuk. Ese kame ei aninnis. Kokkori 800-699-9075 ika 711 TTY. Kich mei etiwa meinisin chon kokko.

OHP.Oregon.gov